

Oqaluuserisassanut nassuiaat

(Inatsisartut Siulittaasuat)

Oktobarip ulluisa 27-ianni kingullermik ataatsimiinnitta kingorna oqaluuserisassat, aappassaaneerinninnissat pingajussaaneerinninnissallu arlalitsigut allannguuteqarsimapput. Allannguutit tamakkua nittartakkatsinni ingerlaavartumik nutarterneqartumi takuneqarsinnaapput.

Immikkoortup 36-ip ataatsimiinnermi ingerlasumi aappassaaneerneqarnissaanik Naalakkersuisut qinnuteqarnerat tunngavigalugu siulittaasoqarfiup tamanna akueraa.

Immikkoortoq kingusissukkut oqaluuserisassanut ilanngunneqarnera pissutigalugu UPA2024-mi aappassaaniigassanngortinneqarsimagaluarpoq. Immikkoortoq 36 ulloq 8. november siullermeerneqassaaq ullorlu 14. november aappassaaneerneqarluni.

Immikkoortup 36-ip qulequtaraa: Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnissaat pillugu inatsisip allanngortinneqarneranik inatsisissatut siunnersuummut missingiummik Namminersornerullutik Oqartussat ilaliinissaat pillugu Inatsisartut aalajangiiffigisassaattut siunnersuut.

Taasisarnerit pillugit uku akornanni isumaqatigiissuteqartoqarpoq:

Doris J. Jensen, Siumut aamma Jens-Frederik Nielsen, Demokraatit.